

JUAN JOSE IBARRETXE

EAEko lehendakaria

**«Errespetua zor zaie hartutako erabakiei»**

«Hau euskal herritarrek nahi duten gobernu da. Ez dago gu ordezkatzeko dugun ez beste alternatibarik, eta hala ikusi zuen gizarteak. Bortxakeria salatu eta giza eskubideei baietz esaten diegu, elkarriketari bezala. Gainera, errespetua eskatzen dugu euskal gizarteak iraganean hartu zituen erabakiak aintzat hartzeko. Adibidez, 1990ean onartu zen autodeterminazio eskubidea. Autogobernua herritarrek eskatzen dutena izango da».

XABIER ARZALLUZ

EAJko presidentea

**«Egoera ikusita, formula onena da»**

«Ez nau harritzen akordioak. Ajuria Eneko ituna hautsi zenetik bakegintzarako formula berak partekatu ditugu EAJ, EA eta EB-IUk. Gero gizarte arazoak daude. Kasu horretan berme bat da EB-IUren presentzia Jaurilaritzan, bai bakea erdiesateko bidean, bai berdintasunean eta gizarte politika batean sakontzerakoan. Herriak behar duen formula da, eta, egoera ikusita, osa daitekeen onena. Beraz, arrakasta izango duela uste dut».

BEGOÑA ERRAZTI

EAKo presidentea

**«Herritarrek hautatu bideak indartu dira»**

«Pozik gaude EB-IUren atxikipenarekin, gizarte plurala dela egiaztatzen delako. Halaber, argudioak kentzen zaizkie alderdi abertzaleen aurkakoei. EAren jarrera aurrerakoia eta herritarrek hautatutako bideak ere indartzen dira. Hots, jendeak nahi duen bezala pentsatzeko eskubidea duela, eta elkarriketa dela irtenbideak bilatzeko modu bakarra. Azkenik, gizarteak autodeterminazio eskubidea onartzeko eskatu zuen maiatzaren 13an».

JAVIER MADRAZO

EB-IUko koordinatzaile nagusia

**«Politika aurrerakoia segurtatzen dugu»**

«EB-IUk pluralitatea dakarkio Eusko Jaurilaritzari, egonkortasuna eta politika aurrerakoiekin konpromisoa segurtatzen du. Dei egiten diet alderdi eta gizarte eragile guztiei, direnak direla, legealdia hau emankorra izan dadin eta bakearen eta normalkuntza politikoaren oinarriak jar daitezten. Helburu horretan guztiok hartu behar dugu parte, euskal gizarteak horrenbeste desiratzen duen bake prozesua martxan jarri ahal izateko».

SAILETAN ALDAKETAK**Etxebizitza eta Gizarte Gaia izango ditu EB-IUk**

Izen hori hartu du EB-IUk eskuratu duen sailak. Arlo ugari kudeatuko ditu sailburu berriak: Lurra eta Hirigintza; Etxebizitza; Arkitektura, Eraikuntza eta Eraikuntzaren Kalitatea; Garapenerako Lankidetzak; Droga-menpekotasunak; Boluntariotza; Gizarte Ongizatea; Gizarte Zerbitzuak eta Immigrazioa. EAri dagokionez, Ingurugiro eta Lurralde Antolamendu Saila hartuko du. Horri Urak eta Natura Baliabideak atxiki zaio, akordioaren ondorioz.

«exijentzia demokratikoa» dela uste dute legealdia akordioaren sinatzaileek, eta horren egoerari buruz eta balizko aldaketari buruz eztabaida piztea komenigarritzat jotzen dute.

Gizarte soldataren igoera

Maiatzaren 13ko gauean hauteskundeetako emaitzak jakinarazi zirenetik, denen buruan zegoen EAJ, EA eta EB-IUren arteko balizko ituna. Elkarriketa prozesua abiatu zen, baina udaren aurretik Javier Madrazoren alderdiak bertan behera utzi zituen, EAJk eskainitakoarekin ados ez zeudelako. Ez zen soka eten, ordea, eta azkenean hitzarmena lortu ahal izan dute.

EB-IUren eskakizun nagusien artean gizarte soldata handitzea zegoen. Une honetan

Lanbidearteko Gutxieneko Soldataren %75 da. Hiruko gobernu itunarekin, datorren urterako %79ra igoko da, eta 2006an %86an ezarriko dute.

Etxebizitzaren alorrean, berriz, bi proiektu finkatu dira. Alde batetik, babestutako etxebizitzaren nondik norakoak arautuko dituen legea, eta, bestetik, Lurzoruaren Legea, hiri antolamendua zehazteko. Horrez gain, alokairuko etxeen eskaintza gehitzeko konpromisoa hartu du Eusko Jaurilaritzak.

Alderdien arteko oztopo nagusia Abiadura Handiko Trena izanik, erdibideko irtenbidea erdietsi dute EAEko gobernuaren sustatuko hiru alderdiek. Ez da proiektua abiatuko Ingurumenaren Gaietako Eraginaren Adierazpena kaleratu arte. EB-IUrekin proiektua bultzatzeko adostasuna lortzeko saioa egingo dela jasorik dago hitzarmenean, era berean.

Gobernatzea errazago, nahiz eta gehiago osorik ez izan

Eusko Jaurilaritzak Legebiltzarrean izago duen babesa handitu da akordioaren ondorioz. Ibarretxeren gobernuak ez du, hala ere, gehiago osorik erdietsiko. EAJ, EA eta EB-IUren artean 36 legebiltzarkide dituzte, gehiago osoa 38 eserleku izanik. PPK 19 legebiltzarkide ditu, PSE-EEk 13, eta Batasunak 7.

Beraz, gobernuaren edozein ekimen atzera botatzeko euren bozak batu beharko dituzte PPK, PSE-EEk eta Batasunak, eta, egoera ikusita, ez dirudi lankidetzak erraza.



KARLOS BIGURI

Begoña Errazti, Juan Jose Ibarretxe, Xabier Arzalluz eta Javier Madrazo, sinatzeko ekitaldian.

OPOSIZIOA**IU sartzea gaitzetsi dute PP, PSE-EE eta Batasunak**

EAJk, EAK eta EB-IUk sinatutako Eusko Jaurilaritzako gobernu akordioa gaitzetsi zuten atzo PSE-EE, PP eta Batasunak. Nicolas Redondo Terreros PSE-EEko idazkari nagusiak azpimarratu zuen «EAJk hauteskunde legea aldatzean eginiko mesedea ordaintzeko» sartu dela Eusko Jaurilaritzan EB-IU. Redondoren aburuz, «Madrazoren alderdiak mesede hori ordaindu behar izan du. EAJk eginiko erosketa merke bat da, eta operazio honekin alderdi bat erosi du». PSE-EEko idazkari nagusiaren ustez, EB-

IU Jaurilaritzan sartzeak ez duela ezer aldatzen, «Lizarran ere EAJ eta EAekin baitzegoen».

Leopoldo Barreda EAEko PPko bozeramaileak, berriz, atzo esan zuen EAJk «EB-IUren sarrerarekin hauteskundeetan herritarrek eman ez zioten gehiengo lortu nahi» duela. Barredaren aburuz, «EAJk ez du onartzen bere alderdia eta EAekin zuen gobernu akordioa gutxiengozan izatea».

Arnaldo Otegi Batasuneko bozeramaileak adierazi zuen EB-IU Eusko Jaurilaritzan sartzea EAJren «operazio politiko-estetikoa» dela, «ezkerraren erreferentzia gisa» Batasuna ahultzeko. Egunen batean PSE-EE gobernuan sartzeko, EAJk Madrazoren alderdia «zubi lanak» egiteko erabili nahi duela gaineratu zuen.

HAURTZARO IKASTOLAK DBHn ARITZEKO LIZENTZIATUA BEHAR DU (GUZTIRA 13 klase ordu astean):

- Frantsesa (DBH osoan)
- Etika (DBH 3)
- Euskal Kultura (DBH 4)

CURRICULUMAK IRAILAREN 18a BAINO LEHEN HELBIDE HONETARA BIDALI BEHAR DIRA:
HAURTZARO IKASTOLA
Elorrondo, z/g
20180 OIARTZUN
E-maila: oiartzun@ikastola.net

**LEP-2000 IRAGARKIA**

Kidegoa: A2 arkitektoak, A2 itzultzaileak eta agirizain-bibliotekari-dokumentalistak.

Interesatuak jakinarazten zaie 2001eko irailaren 12ko EHAAn zenbait ebazpen argitaratu direla, eta horien bidez:

- 1.- Hamar eguneko epea irekitzen da lehiaketa-aldiko agiriak aurkezteko.
- 2.- Hizkuntzen probak egiteko egunak eta orduak finkatzen dira. Hona:

INGELES: 2001eko irailak 26, 09:00. UNED, Vitoria-Gasteiz. Pedro Asua 2 (seminarioa).

FRANTSESA: 2001eko irailak 26, 12:00. UNED, Vitoria-Gasteiz. Pedro Asua 2 (seminarioa).

ALEMANA: 2001eko irailak 26, 16:00. HAEE, Vitoria-Gasteiz, Donostia k. 1 (Eusko Jaurilaritza-Lakua).

EUSKARA: 2001eko irailak 27, 10:00. UNED, Vitoria-Gasteiz. Pedro Asua 2 (seminarioa).



Tekno
www.tekno2000.com

PRESTA EZAZU ZURE NEGOZIOA EUROA IRISTEN DENERAKO

«TPU + Sage kudeketa programa (Saari)»

%20ko beherapena Merkataritza Federazioko bazkideei

DEI EZAZU ETA INFORMA ZAITEZ

☎ 943 44 50 30